

Yekubuwaho muongo wa mtandatu, mndima wa uko uwanga kwa Muungu etangwaye Gabieli nekaagiiwa ni Muungu aite kwe mzi zina dakwe Nazaleti uko si ya Galilaya, kwa mndee yumwe mwenye kiwaa etangwae Malia, mwekuwaye kaombwa na mntu yumwe zina dakwe Yusufu wa kolwa da Daudi.



Mndima wa uko uwanga kwa Muungu akamwamba Malia, "Usekuogoha kwaviya Muungu kakujaiya wedi wakwe, Wendawenue ifu, naho wendaavyae mwana kigosi, na zina dakwe wendaumwetange Yesu. Uyo endaatende mkuu naho endaetangwe Mwana wa Muungu ekuwaye uko uwanga wa vyose. Zumbe Muungu endaamwekhe kigoda cha useuta cha Daudi tati yake. Endaawe seuta wa kolwa da Yakobo

kwa misi yose kwesiho kisiikizi, naho useuta wakwe khaunauwe na kisiikizi."



Malia akamtambaisa yuda mndima wa uko uwanga kwa Muungu, "Yadahika viivihi, mbui iyo mana miye nina kiwaa?" Mndima wa uko uwanga kwa Muungu akamtambaisa, "Muye wa Muungu wendaukwezee, na udaho wa Muungu ekuwaye mkuu wa vintu vyose wendaukugubike inga kizui."



“Kwaajii iyo mwana endaeavyaigwe
endaawe Mng'azi naye endaetangwe
Mwana wa Muungu.”



Mwe kisingi kiya Malia akafunga ntambo kuita kwa kinyionyo mwe mzi umwe weuko mwe miima ya Yudea. Aho akengia mwe nyumba ya Zakalia akamuugusa Elizabeti. Ahoaho Elizabeti ekusikiaho uugusi wa Malia mwana mwekuwa mwe ifu dakwe Elizabeti akehituahitua.



Naho udaho wa Muye wa Muungu ukamwezea Elizabeti. Naho akagombeka kwa mgutio mkuu, "Wee kujaiwa kusima wavyee wose, na mwana wendayeumvyae kajaiwa."



Naho kuvyaigwa kwa Yesu Klistu nekuwa ivi, Malia mami yakwe ekuwaho kaombwa na Yusufu. Akini kisingi khawazati kuteguana akaoneka ana ifu kwa udaho wa Muye wa Muungu. Kwaviya Yusufu, ekuwaye akunda kumtegua Malia nekawa mntu yedi, khekukunda kumgea soni hemeso ya wantu, ivyo akakunda kumbada kwa sii.



Ekuwaho akamamakhanya mbui iyo, mndima wa uko uwanga kwa Muungu wa Zombe akamwawiiya mwe sozi, nakumwamba "Yusufu mwana Daudi wesekuogoha kumdoa Malia atende mkazio mana kenua ifu kwa udaho wa Muye wa Muungu. Endaavyae mwana kigosi na wendaumwekhe zina da Yesu, kwa viya yee nee mwendae awaohoe wantu wakwe kulawa



mwe mavigaviga yao."



Naye Yusufu ekwenukaho mwe usisiza akagosoa inga
mndima wa uko uwanga kwa Muungu wa Zumbe
ekumwambavyo, akamdoa mkaziwe adi
kaya. Akini khekugonana nae adi
Maliamu ekuvyaaho mwana kigosi.
Na Yusufu akamwekha zina da Yesu.



Kisingi kiya Kaisali Augusto, Seuta mkuu wa Walumi kaagiiya wantu wose wa inusi wa useuta wa Lumi wataaziwe. Wantu wose wakaita kutaaziwa, kiya mntu mwe mzi wakwe ekuvyaigwaho.



Yusufu naye akahauka kulawa mwe mzi wa Nazaleti si
ya Galilaya, kwaviya nekawa wa uvyaigwa wa Daudi
akaita Betilehemu mwe mzi
wa Yudea ekuvyaigwaho
Seuta Daudi.
Akaita kwe
kutaaziwa



hamwe na Malia
ekuwaye kamuomba, na
Malia mwenye nee anaifu.



Wekuwaho uko
Betlehemu, msi wakwe
Malia wa kuvyaa neibua.



Nee avyaa mwanawe wa bosu, mwana kigosi akamvika
nguo za kiteke, akamgoneza mwe dewa da kudiiya
ng'ombe kwaajii khawekupata
phasi mwe nyumba zakugona
wageni.



Mwe si ida neekuwa na waisi wekuwao wacheeza,
wakainda matintimo ya ngoto na kiyo. Mndima wa uko
uwanga kwa Muungu akalawiiya
ahoaho na ukuu wa Zumbe



ukawang'azia
phande zose,
nahho ✦

wakaogoha muno.



Mndima wa uko uwanga kwa Muungu akagombeka,
"Msekuogoha, khiwaetea mbui yedi yendayo iwatamize
wantu wose. Ivyeo mwe mzi wa Daudi
kavyaigwa mwohozi kwaajii
yenu, yee
nee Zumbe
Klistu."



Inu ne yendayoibe utangio kwenu, mwendamumbwiiye mwana mteke kazenge-tezwa magunya na kagonezwa mwe dewa da kudiiya ng'ombe.



Ahoaho zumwezumwe kuu da wandima wa uko uwanga kwa Muungu, wakamtogoa Muungu na kugombeka, "Tunyo kwa Muungu uko



uwanga kwa Muungu, Na uivanisa mwe inusi kwa wantu awakundao."



Wandima wa uko uwanga kwa Muungu
wakahauka na kuuya uwanga kwa Muungu,
wada waisi wakagombekana mbui, "Titeni mwe
mzi wa Betlehemu tikakauwe ido dekulawiado,
Zumbe ekutigombekado."



Naho wakaita kinyio, wakambwiiya Malia na Yusufu hamwe na yuda mwana mteke kagonezwa mwe dewa da kudiya ng'ombe.



Waisi awo wekumuonaho uyo mwana
wakagombeka wavyazi wakwe mbui zose
wekwembwazo na wandima wa uwanga
wa Muungu kuusu uyo mwana.





Yesu kavyaigwa
mwe mzi wa Betlehemu phande
ya Uyahudi, kisingi cha ugookezi
wa Seuta Helode.

Ekuvyaigwaho du,
wamanyi wa ntoondo
kulawa awiyo da zua
wakabua mzi wa
Yelusalemu,
wakauza,

“Yuhahi mwana,
mwekuvyaigwa, endaeawe Seuta
wa Wayahudi?, Kwaviya tiyona
ntoondo yakwe yekulawiiyaho awiyo
da zuwa na swie teza kumvika.”



Aho Helode akawetanga kandani awo wamanyi wa ntoondo akawauza, asa kisingi ida ntoondo yekuwalawiiyaho. Naho akawaagiiya waite mwe mzi wa Betlehemu akawamba, "Hitani mkasungu manye kwa vitana mbui za mwana uyo, mkabinda kumanya mbui zakwe niyeteani mbui zakwe na miye niite nikamvike."



Wekubindaho kumtegeeza seuta, awo wamanyi wa
ntoondo wakahauka, wakaongweewa na ida ntoondo
wekuiyonayo awio da zua adi
hantu hada hekuwaho yuda
mwana, Wenye umanyi
wekuonaho ida ntoondo igooka
nawo wakawa na
nyemi muno.



Wakengia mda nyumbani, wakamwona yuda mwana hamwe na Malia mami yakwe wakakinta mavindi, wakamvika. Naho wakavugua sanduku na kulavya fungu zao, zahabu na ubani na mzigu kwaajii ya wana wekwetangwao manemane.

Ivyo wakauya mwe si yao kwa sia ntuhu, kwaviya Muungu nee kawahaza mwe sozi wasekuuya kwa Helode.



Wamanyi wa ntoondo
wekuhaukaho mndima wa uko
uwanga kwa Muungu wa
Zumbe akamuawiiya Yusufu
mwe sozi akagombeka,
“Hauke, mdoe mwana
hamwe na mami yakwe
mnyiikie Misili. Mwekae
uko adi nendaho
nikugombeke

vituhu, kwaviya Helode
aondeza kumkoma uyu
mwana.”



Ivyo, Yusufu akenuka,
akamdoa mwana hamwe na
mami yakwe wakahauka na
kio akaita Misili. Akekaa uko
hadi Helode ekuuyaho na
nyuma mbui iyo igosoka
inga ekwambavyo
Zumbe kwa sia ya
muoni wakwe iiganie,



“Khimwetanga mwanangu
kulawa Misili.”



Helode ekumanyaho wada
wamanyi wa ntoondo wamtiiya
akakimwa muno. Akaagiiya
wana wose wa kigosi wa mzi
wa Betilehemu na mizi yose
yekuwayo hehi yakwe, kuvokea
mwana wa msi umwe adi myaka

miidi



wakomwe.



Bada ya kumanya mbui izo kulawa kwa wada wamanyi wa ntoondo.



Helode ekuuyaho na nyuma
mndima wa uko uwanga kwa
Muungu wa Zombe

akamuawiiya Yusufu mwe
sozi kuda Misili,

akamwamba, "Enuka!

Mdoe mwana hamwe
na mami yakwe, uuye

vituhu mwe si ya Isilaeli
kwaviya wada

wekukundao kumkoma
mwana uyo khawana
ugima vituhu."




Akini Yusufu ekusikiaho
kuwa Alikelao
mwanawe da Helode
nekawa seuta wa si ya
Yudea hantu
hatati



yakwe akaogoha kuita
uko. Naho bada ya kuemezwa
mwe sozi akaita phande za Galilaya,
akasamia mwe mzi wetangwao Nazaleti.



Nee ivyo yekuiganiavyo mbui
zekugombekwazo kwa
sia ya Waoni wa
Muungu, "Endaetangwe
mntu wa
Nazaleti."



Kwaviya Muungu kaikundisa inusi ata
akamlavya mwanawe wa ikedu, ili kia
mntu endae amzumiiye asekwaga,
iya awe na ugima wa misi
yose kwesiho kisiikizi.



Walumi 3:23 Kwaviya wantu wose wagosoa mavigaviga na wekazi wao khauonyesha ukuu wa Muungu.

Walumi 6:23 Kwaviya maiho ya mavigaviga ni ufe, akini funge alavyayo Muungu ni ugima wa misu wa kae na kae kwa kuungana na Klistu Yesu, Zumbe yetu.

Waebulania 9:27 Inga viya wantu wekuikiwavyo kuuya na nyuma kamwe du, na wekubindaho kuuya na nyuma ni uamuiyo.

Waefeso 2:8,9 Kwaviya muoholwa kwa wedi kwa sia ya uzumizi na wala khio kwa ntendwa ntana, uwohozi uwo ni funge kulawa kwa Muungu. Khamwekuoholwa kulawana na ntendwa zenu ntana, ivyo mntu yoyose asekwevuna.



Walumi 10:9,10 Inga ukagombeka wee mwenye kwa muomo wako kuwa Yesu ni Zumbe na kumzumia mwe moyo wako kuwa Muungu nee kamyuyusa, wendauholwe. Kwaviya mntu huzumiiya kwa moyo na kuzumiwa hemeso ya Muungu, na kuwagombeka wantu watuhu uwanga ya uzumizi unu wendauholwe.

Yohana 3:16,17 Kwaviya Muungu kaikundisa inusi ata akamlavya mwanawe wa ikedu, ili kia mntu endae amzumiiye asekwaga, iya awe na ugima wa misi yose kwesiho kisiikizi. Kwaviya Muungu khekumwaagiiya Mwanawe mwe inusi ili awaamuiye wantu, iya wantu waoholwe kwembokea yee.



1 Yohana 5:11-13 Iki nee ekutigombekacho Muungu, Muungu nee katekha ugima wa misi yose kwesiho kisiikizi na ugima uwo umo kwa Mwanawe. Mntu yoyose mwekumzumiiya Mwana wa Muungu ana ugima uwo wa misi yose kwesiho kisiikizi, na yoyose esayekumzumiiya Mwana wa Muungu khana ugima uwo wa misi yose kwesiho kisiikizi. Nawaandikia nywie mumzumiiyao Mwana wa Muungu ili mdahe kumanya kuwa mnao ugima wa misi yose kwesiho kisiikizi.



Matayo 1-2; Luka 1-2

Storyline by: Edward D. Hughes

Illustrated by: M. Maillot
and Alastair Paterson

Adapted by: E. Frischbutter; Sarah S.

Bondei NT (bou) @The Word for The World International
and Bondei Language translation, 2025. All rights reserved.

<https://www.bible.com/en-GB/bible/4372/MAT.1>

©2026 Bible for Children, Inc.

www.M1914.org

www.bibleforchildren.org

